

LEFAPHA LA THUTO LA GAUTENG
DITLHATLHOBO TSA MAKGAOLAKGANG

OCTOBER / NOVEMBER 2005
OKTOBER / NOVEMBER 2005

SETSWANA PUO YA BOBEDI
SEEMOGODIMO
(Pampiri Ya Bobedi)

NAKO: diura tse 2

MADUO: 80

DITAOLO:

- Pampiri e, e arogantswe ka dikarolo di le tlhano A, B, C, D le E.
 - Araba dipotso di le PEDI fela go tswa mo dibukeng tse o di ithutileng.
 - Dipotso di tswe mo dikarolong tse di farologaneng.
 - Dipotso tsotlhe di arabiwe ka Setswana.
-
-

KAROLO YA A
MABOKO

POTSO 1

Selelo sa mmoki – M.C.D. Mogotsi

Buisa ditemana tse di latelang o tle o arabe dipotso tse di latelang:

Tsela-tshwe u	
Dumela, kgaitsadiaka; Dumela, wena kgomotso ya monna Keledi e mo sentse sefathhego.	3
Ke sirilwe ke boitumelo Go lemoga phatlha ya setulo sa gago. Ga ke kgatlhanong le tseo ya gago, Ntswa ke kgatlhanong le thologelo E e tla nnang teng.	6
Maloba e rile jale ke le kgorong, Ke akanya ka lone letsatsi le, Ka lemoga fa matsatsi a atametse Go dira lesoba lapeng la etsho.	9 12
Ke sokologa mo dikakanyong tse Go utlwa tsa bogadi Di itlhabela mokgosi, Mme ka di lba ka tlalelano, 'di tllile go mo tsaya!'	15

- 1.1 Kgaisadie mmoki o ya kae jaaka fa mooki a re “Tsela-tshweu” go ena? (2)
- 1.2 Tshegetsa karabo ya gago ka go nopola sekao go tswa mo temaneng ya ntlha (2)
- 1.3 Neela letshwao la poko le le dirisitsweng mo meleng 1 le 2. (2)
- 1.4 Nopola letshwao la poko le o le fileng mo go 1.3. (2)
- 1.5 Tlhalosa mola wa 3. (2)
- 1.6 Ke ka ntlha ya eng fa mmoki a sa lemoge phatlha ya setulo sa ga kgaisadie? (2)
- 1.7 A mmoki o kgatthanong le go tsewa ga ga kgaisadie? (2)
- 1.8 Ke eng se mmoki a leng kgatthanong le sona? (2)
- 1.9 Neela letshwao la poko le le dirisitsweng mo meleng 5 le 6. (2)
- 1.10 Nopola letshwao la poko le o le fileng mo go 1.9. (2)
- 1.11 Mmoki o ne a le kae fa a akanya ka letsatsi le? (2)
- 1.12 Ka “letsatsi le” (mola 10) mmoki o kaya eng? (2)
- 1.13 Tlhalosa mola 12. (2)
- 1.14 Fa tsa bogadi di itlhabela mokgosi go a bo go diragala eng? (2)
- 1.15 Tlhalosa mola 13. (2)
- 1.16 Go leba selo ka tlalelano ke go dira eng? (2)
- 1.17 Neela sekapuo se se dirisitsweng mo moleng 16. (2)
- 1.18 Nopola sekapuo se o se kaileng mo go 1.15. (2)
- 1.19 Neela letshwao la poko le le dirisitsweng mo moleng 12. (2)
- 1.20 Nopola letshwao la poko le o le fileng mo go 1.17. (2)

MADUO A KAROLO YA A: [40]

KAROLO YA B
TERAMA

POTSO 2

Dintshontsho tsa lorato – L.D. Raditladi

Buisa nopolo tsa A le B mme o arabe dipotso tse di latelang:

Nopolo A

Sabui A : Ga ke go tlogele! O wa me!
Ke eeditse go go nyala o sa le ngwana,
Jaanong o kgarebe, ga ke go tlogele!
Ke a tsamaya; ke tla boa ka bofefo.
O tla nteta mo ntlong e.
Ke tla go tswalela go fitlhela ke boe. (*O a tswala.*)

Sebui B : Sakoma! Sakoma! Se ntswarele!
(*O tabogela kwa mojakong wa n'lo go fitlhela setlatla se setse se bofilwe mo a se ka keng a tswa.*)
A ke kue? Nnyaa, ditlhong – wee!
Batho ba ka akanyang ka ga me,
Nna yo go tweng ke mogatsa Sakoma?
Ke tla leta bogolo ke tla rapama.
(*O nna fa fatshe.*)

- 2.1 Neela leina la sebui sa mafoko a: **Ga ke go tlogele! O wa me!** (2)
- 2.2 Ke mang yo o ikopelang go se tswalelwe? (2)
- 2.3 Moanelwa yo o mo neileng mo go 2.2 o ne a tswalelwa a le kwa kae? (2)
- 2.4 Goreng a tswalelwa? (2)
- 2.5 Neela dintlha di le PEDI ka semelo sa sebui B 2x2=(4)
- 2.6 Tshegetsa karabo ya 2.5 ka mabaka a MABEDI. 2x2=(4)
- 2.7 Sebui A o a tsamaya, o ya kae? (2)
- 2.8 A baanelwa ba, ba ne ba nyalana? (2)
- 2.9 Neela morero wa temana e. (2)

Nopolo B

A: Ngaka, ngwana wa mogoba rona o ile,
O ile le lefatshe ra itlhoboga.
Kwano gae bogosi bo a mo senka
Fela ka itlho le le lehibidu
Go mo pega tlhareng sa polaelo.
Le ene, rra, a ko a latela Ponalo,
Ngwanyana yole o swetseng lefela,
O suleng ka go rata Sakoma,
Moletsi wa rona wa sebintšolo.
Yo banyana ba mo ratang botlhe.
Ngwana wa rona ga re batle a bolawa,
Ga re batle a akgega setlhareng,
O sa le mabele a dikgolokwe,
Legamma le lentle la rona.
Dira ngwana wa rona a re tshelele,
A medi ya rona e mmoloke,
Tlhare tsa borrarona di feme,

- 2.10 Sebui sa mafoko a ke mang? (2)
- 2.11 Kwa ntle le ngaka, sebui se bua gape le mang? (2)
- 2.12 Go ya ka temana e, ngwana ke mang? (2)
- 2.13 Ngwana yo, o ile kwa kae? (2)
- 2.14 O ne a batlelwa eng? (2)
- 2.15 Tota Ponalo o bolaetswe eng? (2)
- 2.16 Ke ka nthla ya eng fa motho yo o mo kaileng mo go 2.15 e le mmelaelwa? (2)
- 2.17 Tlhalosa mela e e thaletsweng. 2x2=(4)

MADUO A KAROLO YA B: [40]

KAROLO YA C
PADI

POTSO 3

Masaikategang a magodimo – J.M.K. Mekgwe

Buisa dinopolo A, B le C mme o arabe dipotso tse di latelang:

Nopolo A

Ya re monna a tsena fa mojako a tuka molelo, Baeng ba tloba ditlhabelo, ba itse sentle gore le legolo ke la moeng! Ba tsholetsa diatla, gore fa e le sengwe, ba rebe legala go ise go nne thari. Ao monnamogob! O a reng fa o tuka molelo jaana le matsogo o sa itekodise? A o ke o ne o boa ka morago. A boa ka morago a bonwa ke mang? Owai, go ingamola thogo. E seng morwa Mathebula wa maitibolo.

- 3.1 Neela morero wa padi e. (2)
- 3.2 Tiragalo e e diragala mo lelapeng la ga mang? (2)
- 3.3 Baeng ba ne ba tlile go dira eng mo lelapeng leo? (2)
- 3.4 Goreng monnamogolo a ne a tuka molelo? (2)
- 3.5 Batho ba, ba ne ba romilwe ke mang? (2)
- 3.6 Neela leina la morwadia monnamogolo. (2)

Nopolo B

Ya re moruti Mokgele a konelela thero, a e konelela ka molaetsa go ba ba nang le ditsebe go utlwa, dieleele e le ba ba di rwalarwaletseng lesidi! A tlhatlosa lentswe la porwanyane, a re, "o se ka wa boifa, wena lefatshe; ipele, o itumele, gonne Jehofa o dirile dilo tse dikgolo!" Fa a rialo, ga senyega. Motho a sunetsa fa, mongwe a sunetsa fale. Mongwe, mosadi, a se tleretsa kapelo ya gaqwe yotlhe.

- 3.7 Neela leina la monna yo o neng a tshwaretswe tirelo Modimo e. (2)
- 3.8 Go ne go diragetse eng ka ene? (2)
- 3.9 Tlhalosa gore a loso le le a mo tshwanela. (2)
- 3.10 Goreng thero ya moruti e ne e ama mongwe le mongwe? (2)
- 3.11 Mmolaisi o ne a tsalana jang le mmolaiwa? (2)
- 3.12 Neela dintlha di le PEDI ka semelo sa moswi. 2x2=(4)
- 3.13 Ke mang yo o setseng a tlhobaela kwa lelapeng la ga moswi? (2)

Nopolo C

Ga itelekela mmotorokara o montsho. Ya re o ema, ga fologa monna a rwele tlhoro e okame matlho, e bipile mhama wa sefatlhego se fifaditswe ke ditudu. A tlhamalalela kwa felong ga dikitsiso. A ikgoletsa go bona se se kwadilweng. A tsamaisa monwana le maina a a ka fa tlase ga terena ya 4 736, a ba a fitlha mo go le o le senkang.

- 3.14 Neela leina la monna yo o rweleng tlhoro. (2)
- 3.15 Moanelwa yo o mo go 3.14 o ne a batla mang? (2)
- 3.16 Neela lebaka leo a neng a mmatlela lona. (2)
- 3.17 Neela semelo sa monna yo o rweleng tlhoro. (4)
- 3.18 A mmatliwa o ne a itse gore mongwe o mo motlhaleng wa gagwe?
Tshegetsatsa karabo ya gago. (2)

MADUO A KAROLO YA C: [40]

KAROLO YA D
DINAANE

POTSO 4

Ntlhabele dinaane – Z.S. Dipale

Buisa dinopolo A le B tse di fa tlase mme o arabe dipotso tse di latelang:

Nopolo A

Ga twe e rile e le diphologolo tsa naga, di bolawa ke tlala e e boitshegang. Tsa bo di loga maano a go batla dijo. Go ne go le boTshwere, boMmutle, boPhiri, boPhokojwe le boKgabo le yona Tshetlha ya dipoa. Mo gare ga dilo tsotlhe bogolo go ne go rapelelwa gore kgosi Tau a se ka a lala le tlala. Ba tswelela ka go loga maano a go ka direla kgosi dijo. E ne e le gore go tsongwe, go tle go apewa nama, go be go munwa mafura a beelwa Rre Tau.

Ba tswelela ka botshelo jo bo ntseng jalo sebaka se seleele, ka leuba le lona le tsere nako e telele le rena mo nageng ya diphologob tse tsa batho tse. Mongwe le mongwe a tlhokometse gore phosonyana ya mofuta ofe e se diragale. Botshelo bo tshwenya ka go se ka go tlhokega maarogi le mo dilong tse di boitshegang, go ne go ntse jalo le mo nakong e, mo diphologolong tse. Mo gare ga diphologob tse go ne go na le mongweyo le ena a neng a itekela botshelo. E ne e le phologotswana e e botlhajana, e leng Mmutle. A simolola gore e ne e re go ilwe go tsongwa, ena a sale a khukhunela mafura a ga kgosi Tau. Mmutle o ne a dira jalo go fitlhelela a tla go lemogwa. Le fa go ntse jalo, tota, ba ne ba sa lemoge gore a mafura a jewa ke Mmutle, ba ne ba lemoga fela gore go na le yo o neng a a nwa mafura fa go dulwe letsholo la go tsoma.

- 4.1 Kgosi ya diphologolo ke mang? (2)
- 4.2 Ke ka nthla ya eng fa e ne e bidiwa kgosi? (2)
- 4.3 Bolela gore diphologolo tse di latelang di itsege ka eng?
- (a) Phokojwe (2)
 - (b) Mmutle (2)
 - (c) Tshwene (2)
- 4.4 Maarogi ke eng? (2)
- 4.5 Neela diane ka maina a diphologolo tse di latelang go tswa mo nopolong e e fa godimo:
Tshwene le Phokojwe (4)
- 4.6 Neela molaetsa wa naane e. (2)
- 4.7 Ke eng se diphologolo di neng di se beela kgosi Tau morago ga go apaya nama? (1)
- 4.8 Learogi ke phologolo efe? (1)
- 4.9 Phologolo e e neng e le legodu e ne e bona tšhono ya go utswa leng? (2)

Nopolo B

Ga twe e rile, e le mosadimogolo, a senyediwa ke bana ba bana ba gagwe,
A bo a bua a re:

“Ruri fa nka ikela badimong,
Ke tla bo ke thusegile,
Ga ke itse gore Modimo o
Ntshotlelang ka bana ba.”

Bana ba ne ba seka ba itewa jaaka bana ba bangwe, jaanong ba ne ba gakgamadiwa ke kgang e ya ga mosadimogolo. Ena o ne a sa bee sepe mo ntlong, e ne e re fa a re o baya se, ba se tsee. E rile ka letsatsi le lengwe mosadimogolo a ya go gola tsie, a e tsenya ka kgetse, a e baya mo ntlong, a tsamaya. Tsie e ne ya tshwarwa ke tlala e ntse e tswaletswe ka kgetse. Bana ba, ka ba ne ba senya, ba tswala ntlo, ba phutulola se se neng se ntse se bukunya bukunya mo kgetseng. Tsie ya ikgophola, ya raga ka setlhako, gore motho a bo a re tenke! kgakala. E rile mosadimogo a tsena a fitlhela tsie e tletse ka ntlo, e ntse e opela e re:

“Bobo, bobo, nna morwa lenkotwane ke a bolaya,
Ke bolaya mosimanyana a ntse a ntshwaratshwara.”

Mosadimogolo o ne a ba tshikinya mme a bua jaaka malatsi othe a re:

“Ruri fa nka ikela badimong,
Ke tla bo ke thusegile,
Ga ke itse gore Modimo
O ntshotlelang ka bana ba.”

- 4.10 Neela lefoko le le lengwe boemong jwa bana ba bana. (2)
- 4.11 Tlhalosa: go ikela badimong. (1)
- 4.12 Neela leele le lengwe le le kayang: go ikela badimong (2)
- 4.13 Tlhalosa go **gola tsie**. (2)
- 4.14 Neela leina la sekapuo se se dirisitsweng mo polelong e: **Tsie ya raga setlhako, gore motho a bo a re tenke kgakala**. (2)
- 4.15 A se, se ka diragala? (1)
- 4.16 Tshegetsa karabo e o e fileng mo go 4.15. (2)
- 4.17 Bolela se sengwe se se neng se dirwa ke tsie mme se sa tlwaelega mo nneteng. (2)
- 4.18 Ke eng se se neng se utlwise bana ba botlhoko? (2)
- 4.19 A mosadimogolo o ne a tiisitse ka se a neng a aga a se bua? Tshegetsa karabo ya gago. (2)

MADUO A KAROLO YA D: [40]

**KAROLO YA E
DIKGANKHUTSWE**

POTSO 5

Mmualebe – R.M. Malope

Buisa nopollo ke eo, mme morago o itse go araba dipotso tse di latelang:

O re tshegisa ka baditšhaba

“Baya pelo, morutabana. Tsotlhe di tla siama, di tthamalala thwii! Jaaka thupa ya moretwa. Ga ke re ga twe. Ke a dumela, nnyaya, ke a itse gore di tla siama. Baya pelo mma...” Mogokgo a tswelela pele mme a fapogile tsela ya Morongwe gotlhelele:

“Morutabana, kana maduo ale a ditthatlhobo tsa kgweditharo a kae? A a setse a thakantswe le a mangwe, go bile go bonwe maduogare a ngwana mongwe le mongwe mo setlhopheng sa gago le mo mophatong wa ntlha otlhe? A e re o sa ntse o eme ka dinaojalo, o botse motlatsamogokgo Mathibe gore a fa go riana, madi a leeto la ka moso go ya dikgaisanong tsa mmimo tsa sedika a phuthilwe mo baneng. Mogolo o rongwa a eme...”

- 5.1 Khutshwe e, e tlotlwa ke mang? (2)
- 5.2 O ne a e tlotlela mang? (2)
- 5.3 Nopollo e e fa godimo ke mafoko a ga mang? (2)

- 5.4 O ne a bua le mang? (2)
- 5.5 Morutabana o ne a tshwanetse go **baya pelo** fa go rileng? (2)
- 5.6 Neela ka nngwe ya tse morutabana o neng a kopiwa ke mogokgo go di dira (2)
- 5.7 Maikutlo a morutabana ke afe? (1)
- 5.8 Neela leina la sekolo se morutabana a rutang mo go sona. (2)
- 5.9 Neela leina la motlatsamogokgo. (2)
- 5.10 Ka nako yotlhe, diforomo tsa go thatšwa ga morutabana di ne di le kae? (2)
- 5.11 Morutabana o ne a leba kae morago ga puisano ya gagwe le mogokgo? (2)
- 5.12 Morutabana o bone dithuto dife? kwa yunibesithing efe? (2)
- 5.13 Tlhalosa leele le. Go baya pelo. (2)
- 5.14 Mogokgo o kaya eng ka mafoko a **Tsotlhe di tla siama?** (2)
- 5.15 Morago ga dikgwedi di le thataro Morongwa a sa gole, o ne a leba kae? (2)
- 5.16 Ke mang yo o neng a tshwanetse go isa diforomo tsa ga Morongwa kwa diofising tsa puso? (1)
- 5.17 Tlhopha karabo e e maleba, kwala fela a, b, kgotsa c
- 5.17.1. Morongwe o filwe basari ke ba mokgatlho wa:
- (a) Lefapha la thuto
 - (b) United Tobacco
 - (c) Council of Churches (2)
- 5.17.2. Ba kwa Lefapheng la Thuto ba rometse Morongwe kwa ofising efe?
- (a) 1116
 - (b) 1117
 - (c) 1118 (2)
- 5.17.3 Thuso yone o e bone kwa ofising efe?
- (a) 1116
 - (b) 1117
 - (c) 1118 (2)

SETSWANA PUO YA BOBEDI SEEMOGODIMO (Pampiri Ya Bobedi)	931-1/2 K	11
---	------------------	-----------

5.17.4. Morongwe o dirile materiki le Modisaotsile kwa sekolong sa:

- (a) Hofmeyr
- (b) Tlhabologo
- (c) Setotlwane (2)

5.17.5. Bana ba phaphosi ya bo Modisaotsile le Morongwe ya matiriki ba ne ba bitsana:

- (a) Tsala
- (b) Molekane
- (c) Mmata (2)

MADUO A KAROLO YA E: [40]

PALOGOTLHE: 80